



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hierakosophion

Demetrius <Pe pagomenus>

Lvtetiae, 1612

xl. De albugine oculorum.

urn:nbn:de:hbz:466:1-12846

brata, in medianam carnem permista com-
manducanda præbeto accipitri. Si cibum
auersatur, in globulum carnem confor-
matam, scite aperto ore illius, coge ipsum
capere. videbis post horam vnam aut alte-
ram reiectis malis humoribus, morbo li-
beratum esse, postea cibum illi calentem
recentemque dabis.

Remedia ad oculos.

Non paucis morbis laborant accipitrum
oculi. nam in quos morbos incidunt
cætera animalia, iisdem afficiuntur acci-
pitres. Qui de his indocte scripserunt, plura
præterierunt, ego illorum minus perspi-
cua, quoad potero, declarabo.

De albugine oculorum.

EA quæ oculos impediunt, quo minus
videant, alij albugines, alij nebulas ap-
pellant. his medere in hunc modum. Mel
Atticum acapnon, id est, non infectum
fumo, crocodili albi sterlus, ex æquo
mista mortario diligenter tandiu teras,
quoad lentescant. deinde pinna illis im-
buta illine oculos. Sed si aliqua offensione
oculi dolent & lacrymantur, salem Cap-

E iij

padocum recte molitum, oculo inspira:
vel salem ipsum ex aqua dissolute, coque
ablue oculum, ne quid sordiu adhærescat,
postea ore sume ex ablutione, & oculo
inspira. Alij ex aqua salem liquant, eoque
per pinnam illinunt oculum, idque sæpe
die. At melius est salem ore sumptum
oculo inspirare, propterea quod sæpe acci-
piter renitur, aut hominum aspectum aut
manum reformidat.

*Si inalbescit oculus, vel ab ictu, vel
à sanguine.*

Sepiæ testam, ipsiusq. accipitris simum,
galbanum, mel acapnon, pari mensura
mortario recte conterito, deinde pinna
oculum linito, ita paucis diebus ipsum pri-
stinæ valetudini restitues. Aut sume atri-
plicis semen diligenter tritum, tenui cribro
excretum, eoque alline oculum. Aut thus,
sepiæ testam ex æquorrita, tenuiter cri-
braça oculo inspira. Aut hederæ succum
oculo inspira. Aut simul hederæ & rutæ
succum pari portione mistum, oculo in-
fundere. Aut fabis nigris exustis pari pon-
dere, melle immistis, vtere. Aut ammo-
niacum muliebri lacte cōspersum, minute